

道

閻丘詩集卷十八

梧語軒集

起壬午七月盡
甲申十二月

送朱明府悔人之任石泉

四十年中稱雅士七千里外作王臣
逢迎隨地皆知已投贈盈囊半故人
案牘偶陳門吏瘦鞭笞不用長官貧
瞿唐濫瀕添遊興只當當時漂蕩身

題悔人太白詩意圖二首

美女如花酒又濃笙歌沸耳翠圍重
就中分我閻丘坐對賞新詞對舉鍾

詩老天教宦石泉巴江風雨一帆懸
若還滿載娉婷去怕甚崎嶇路八千

題明元方從游圖

胡子師東坡嘗恨生其後鑄金與繡絲不如倩畫叟臨
模笠屐圖觀者齊拍手兒童擲瓦礫老也吠還走荷杖
導者誰客有如此不黃樓赤壁間風月不禁取何弗貌
此時韻事件詩酒獨來蠻雨中用意良亦厚淒淒南荒
村跬步若相守願更添黃秦同門作三友

壬午冬日宋漫堂中丞招同朱竹垞檢討暨張
超然馮文子汪武曹右衡韓祖語張日容馮孟
容吳衛猗蔣揚孫慕蒼玉令子山言蘭揮諸孝
廉餞別小滄浪用方干寄吳礪韻作詩贈行謹
次韻奉呈

戟門霜乍落鈴閣凍初成好送金門去休言谷口耕詩
翁抽祕思令子得同聲劈浪餘艤過衝寒款段行山深
殘雪迴村近斷烟生薄俗輕才俊天公忌盛名指和剛
百鍊心與跡雙清方駕揮鞭捷先登拔幟驚相期紫微
省回望闔閭城珍重中丞意臨觴繾綣情

附原詩

商丘宋犖漫堂

茂苑才欣接天台賦已成諸生方振翮一老待歸耕
鄧尉傳梅信胥江雜雨聲颿檣乘漲發冠佩切雲行
好赴春官驗無煩別恨生須知齊稷契莫止羨科名
凍月窺簷白滄溪映酒清關山雙轂轉京國一軍驚
杏蕊當春日音書望帝城騰驥隨驥駟何限囑兒

情

曉行即事

曉風細雨捲霜華
亂點寒梢樹半斜
白遍前邨人不見
誤疑失路入梨花

十一月二十六日大風雪行沂州道上卧驢車
口占

又來隨衆蹋紅塵
還是三年病後身
寒氣當天惟見雪
風聲滿地不聞人
蠶眠轉覺支撐穩
蝟縮寧甘顛側頻
一領羊裘半牀被
任他馬跡與車輪

堞莊夜宿疊前韻示甥鄧開禹姪西垣

素衣幾番染緇塵
依舊機雲入洛身
路苦雪風剛七日

影憐甥姪得三人
強斟邨釀澆愁散
閒指燈花送喜頻
寄語天公去耳續
朝來爲我涌紅輪

蒙陰曉發再疊前韻

西風暗刮庾公塵
夢裏重衾蝴蝶身
四十年中仍是我
三千里外爲何人
吞雲山勢誰能畫
含凍雞聲不厭頻
一夜雪花吹未已
曉光疑是挂冰輪

新泰遇雪三疊前韻

犖确溪山走凍塵
飛砂透入布袍身
煙寒土堞雞爭火
雪壓柴扉犬吠人
馬跡板橋空得得
鴈聲邨店漫頻頻
長林可惜堆瓊玉
不待春風碾畫輪

羊流五匹疊前韻

明鏡誰能不老 羣羊家獨是認前身每於車殆馬煩日
緬想輕裘暖帶人破廟屢過蹤跡換斷碑羞對往來頻
因公悟得三生事始信浮生有轉輪

朔日過泰安州望嶽五疊前韻

日觀當空絕點塵山靈笑我去來身松枝雪亂爭羣鳥
峯頂雲開立寸人四望同雲青欲了一番新臘白方頻
何年飛步凌奇絕脚踏扶桑蹋日輪

喜晴六疊前韻

林彩潛消白玉塵山光欲上短衣身冰霜洗出素高士
筆墨圖成梅道人倦骨支牀差喜穩飢腸嚼餅不嫌頻
可憐十日風沙道也得清輝照一輪

車中解嘲七疊前韻

七閩笑看荔支塵又作金臺獻賦身寒暑飽嘗一萬里
親交相對兩三人張融牽屋閒遊慣杜甫騎驢旅食頻
自斷雄心渾未試好將健骨敵征輪

懷張超然馮文子汪武曹右衡韓祖語張日容
鮑孝儀蔣揚孫諸孝廉公車北上八疊前韻

為爾前驅早撲塵計程同是客邊身紅煨楮榼墟中酒
白蓋攪榆馬上人清水潭頭寒水沍蓮花峯下雪花頻
天衢騰踏宜公等會看金門玉作輪

懷失山掄孝廉九疊前韻

雪殘鳥鵲漸 塵 禁苑撤顛八尺身侍史日傳天上

事君土常若，意中人貂裘稱體，頌來早馬。漣沾脣賚，得頻白髮。老親縣望眼好，將裋褐易朱輪。

懷宋孝廉山言蘭揮昆仲十疊前韻

爭羨郊祁迴出塵，飄飄仙骨在君身。聯吟謝惠池塘句，同作姜肱被底人。自媿一鳴題榜後，已卯鄉榜與山言聯名余名在後敢辭三獻上書頻。玉堂仙署多餘韻，侍直還教兄弟輪。

懷褐夫荆山十一疊前韻

騏驥終年溷路塵，文章二妙不謀身。戴顓空老江邊宅，吳質徒懷鄴下人。雪滿鍾山中酒慣，春歸花塢賦詩頻。一鞭漫道爭先著，連壁行看照兩輪。

懷劉介于十二疊前韻

四年紫陌落風塵，仍是劉郎前度身。寒瘦鍊他多好句，公卿留得个詩人。雅知小戶三杯軟，爭服長城五字頻。沈范尚書共欣賞，謂阮亭慕廬兩先生莫教白首待蒲輪。

懷十兄十三疊前韻

結客揮金視若塵，蹉跎四十壯年身。難中見巧成佳話，貧裏能豪是異人。鴈背護霜和葉落，花梢迎臘送香頻。妙巖亭子經年隔，狼藉荒臺秋半輪。

懷金亦陶十四疊前韻

春草閒房不受塵，霜林笑傲有孤身。并無向子半生累，別作倪迂一派人。送果山僧求畫去，敲門邨稚借書頻。太胡萬頃多尊菜，只合供君轉釣輪。

木言車言集卷一
臘月五日過歷城訪同年徐子超遇魏禹平王
服尹金以時翦燈話舊因留宿子超書齋十五
疊前韻

歷下亭邊洗盡塵廿年重想壯遊身余甲子歲曾過此寒天落日
尋茅屋紙閣圍爐遇故人縱飲那須愁徑醉論文每自
恨難頻余與禹平別十年服尹別七年矣冷煙濕雪風光別一夜驢聲到板
輪

趵突泉

廿四泉邊意惘然
磁磁白浪欲搖天
畫樓昔日馮闌處
不信重來十八年

天心水面亭

元學士李河作

歷下詩人李漑之
脫鞵一曲世爭知
殘山積雪孤亭立
不似風來月到時

歷下亭

古亭不是舊時亭
四面冰堅一角青
盡說濟南名士窟
荒祠只拜李滄溟

同禹平服尹以時開禹西垣自濟南行次漫河
夜飲旅店以少陵共此燈燭光分韻得光字

出門對朋友行道如故鄉
况我同心人會合
天一方水邨本世好十年作參商
金子從吳來王郎客齊疆
伊余隨甥姪相見濟水傍
連袂出城去車馬爭輝光
四山霜霰白千里
廬少黃天寒日色瘦
薄暮投邨莊殺雞片花

豬鹽豉調羹湯。邇生出行麓味澹。不滿觴酒令徵故事。
孤月窺屋梁。只此便可樂。何用烹羔羊。諸君盡豪俊。意
氣真飛揚。燕市方築臺。勗哉宜騰驤。顛顛笑李白。澄清
志范滂。勿忘此日聚。天衢共翱翔。

早發趙北口疊前韻

羸車續短夢。栩栩入睡鄉。陡然忽驚覺。兀坐四角方。征
鐸何磷磷。音韻諧宮商。皇都隱重霧。望緊環封疆。天風
作奇響。吹我易水傍。長堤冷明鏡。日彩生晶光。冰牀坐
滑達。中流駕飛黃。前年過此澤。居人半水莊。紅雲搖綠
煙。波暎如溫湯。採花摘蓮子。碧筒飲十觴。小船縛蓼岸。
破罾曬魚梁。娟娟衣帶白。一笑聊相羊。今來值嚴冬。凍

吟省不揚倦。僕苦面垢羸。馬空首驤佇。望陽和回土脈。
春雨滂楊柳。滿陂澤。好看鳧鴈翔。

題水邨第六圖二首

雪壓芭蕉映敞廬。一身縹緲寄菰蘆。愛他寂寞湖天裏。
獨擁寒香作畫圖。

榮祿曾塗半幅紗。後來筆意不爭差。從今一派分湖水。
不屬錢家屬魏家。

趙榮祿為錢德鈞作水邨圖

奉題大司寇新城先生荷鋤圖

禹鴻臚尚基寫少陵細雨荷鋤立江後吟翠屏

詩意

野煙釀雨入欲低。四山風緊孤猿嘯。三點五點飛別浦。
一聲兩聲來南溪。此時此景誰貌得。杜陵佳句漁洋題。

先生經術富格，道貌疑遠無町畦，風度固宜動天。
春帶經神筆黃封齋。御書賜帶經堂三字取漢兒寬傳帶經而鋤之義黍稌芄芄遍霖
雨琮瑋珮玉行沙堤，奈何野服冠襪，掀顛長嘯揮鋤。
犁江樹微茫，辨浦激遠帆出沒，爭鳧鷺清飈，謾謾拂衣。
帶芒屨脚濺青山泥，乃知鴻臚最狡獪，設此妙境令人
迷。等諸寒士戀貴富，點染青紫供滑稽，禹稷孔顏應運
起，用舍則異名相齊。方今明良不易得，羣材引領思提
攜。此圖戲筆聊爾爾，毋置座右驚烝黎。

題伴竹圖

含雲惹霧矗晴空，千畝分明在此中。妒斂夏長無个事，
科頭消受北牕風。

癸未三月出彰義門口占

柳刷黃金杏白紅，青山只是雨濛濛。不知晚晚過春半，
但覺瞢騰似酒中人。縱能憐難造命，天無可怨始真窮。
此行欲借唐衢淚，哭向西風灑碧空。

定興同三兄騎馬出城看花至張園有作

走馬東門覓杏花，數株楊柳弄麩毫。春風乍解丁香結，
暝日旋抽芍藥芽。恐撥牢騷強止酒，每當偃蹇倍思家。
一官莫道無滋味，亦得良辰看物華。

保定道中

柳外驅車綠映紅，隔牆杏樹笑東風。蓮花池淨游魚戲，
廣養成坑牧馬空。酒客至今埋麴蘖，戰場何處覓刀弓。

百年豪傑銷磨盡愁絕雄心落照中

再游張園壘前韻

燕子斜飛蹴落花一雙玉翦尾毵毫春風引馬過牆角
斜日熏人卧草芽悶極無慘惟此地醉來欲睡便如家
輓轡聲轉干畦碧爛熳丁香上月華

題陳寶封荒齋草二絕

張園昨夜看丁香爛醉清尊半日狂示我新詩添瑣璣
那知醒後已無腸

洗雪辭工興會長居然風致逼三唐誦君明月簾鉤句

觸撥愁心入故鄉

寶封有明月不知情索莫夜深
獨自滿簾鉤之句余最賞之

夜宿琉璃河有感

八載皇都三番過中宵此地聽鳴珂繩牀土堙依然在
每到增人感慨多

漁洋先生命題小照

放鷗圖二首

玉潭琪樹夕霏間長尾毵毵聳翠鬢只恐開籠飛便去
鳳鸞誰與伴清閑

不同鸚鵡方辭殿肯學鷓鴣長戀枝別有故巢雲海闊
碧山明月照相思

鷓鴣尾山圖四首

微風嫋嫋浪花腥榜背舟人喚不醒一卷殘書方讀罷
舉頭無數亂峯青

漁洋集表風流絕蠶尾圖中逸興開詩卷佳名天付與
一生占得兩山來

五馬當年此唱酬回源亭子欲勾留綠蓑青箬扁舟意
要待詩翁補舊遊

落魄渾如帶雨螢幾番不負草堂靈太湖萬頃思歸急
只為來題小洞庭

廿七日同右衡祖語日容出都門作

斷雲含雨草連天揮手金門魂黯然壯不如人能富貴
窮而益進有詩篇百年判老三間屋卅口難供二頃田
欲覓煙波舊徒侶菰蘆深處縛魚船

宿涿州喜晤葉桐初疊前韻

故交多病隔雲天松月催歸孟浩然乍逢燈下人千里
莫問春來賦幾篇竹燾過牆揉个个荷錢貼水弄田田
故園風景君猶記斷送浮名共酒船

白溝河阻雨再疊前韻

舉目愁雲不見天征塗相對益悽然都將女嫁男婚念
併入風檐夜雨篇謀食祇憑心自織養生惟有藥為田
牀牀屋漏難容膝算住張融岸上船

贈日容三疊前韻

獻賦當年只尺天鈞天夢醒付遽然涼亭水閣新三逕
紅豆清谿書百篇月照櫓聲催舉網日橫城影壓耕田
濕裙秋意黑風流純文八溝頭好放船

和日容道北口喜晴之作四疊前韻

癡雲放出蔚藍天
林彩垂珠正泫然
楊柳誰吟勸酒句
芙蓉空想涉江篇
魚知雨足跳春水
鷺愛泥深沒野田
一具筇簪一竿竹
浮家何必五湖船

夜宿任丘不寐五疊前韻

連宵夢入大羅天
土銼寒燈照惘然
三策漫懷濟世術
兩都未奏諷時篇
解貂酒肆誰稱李
彈鋏侯門不姓田
右觸左蠻爭罷否
迷離醉眼賀家船

和日容曉發遇徐大臨六疊前韻

故人消息望吳天
交臂無緣倍悵然
顧我方尋煙水伴
看君重賦帝京篇
老親他日承新詔
名士何人贈薄田

乙未亭邊難得到
山光冷落界溪船

和日容河間遇水邨七疊前韻

歷下相逢冰雪天
驅車茆店夜驪然
羅浮獨占探梅句
旂鼓還誇啖荔篇
福州有旂鼓二山
霜稻紫螯肥澤國
西風黃雀滿秋田
水邨多買烏程酒
細話錢唐藥玉船

獻縣道中自遣八疊前韻

曉霧微籠卵色天
野花對客笑嫣然
自娛欲著先生傳
長歎愁聽美女篇
司馬賦才猶滌器
元龍豪氣亦求田
此身合傍淞江住
細雨斜風一葉船

小游仙詞四首次日容韻寄呈大宗伯韓先生

青鳥西飛隔海山
紅牆只尺不關關
未能換盡神仙骨

且待金丹九轉還

爲赴瑤池離玉京佳期誤却月中行素娥獨自偷靈藥
挑逗人間萬古情

玉皇爛醉紫霞杯再拜豐隆引座來好認終南仙徑在
底須惆悵海西迴

莫羨淮南紫氣蒸只將雞犬去飛昇散仙願作拖腸鼠
屈曲隨人能不能

道中却寄韓吉士祖昭同年次日容韻二首

計拙誰舉手塗窮獨撫膺久甘同蠖屈不分逐龍騰任
笑癡如愷還將理問憑惟君最勤懇雅意感親承

捷徑開爭赴塵顏效轉悲陳琳虛發矢潘岳暗成絲酒

後歌長放花間園亦窺平生進退意相許寸心知

道中却寄介于次日容韻四首

終南瀕洞起憂端人在窮愁進退難皇甫耽書知有癖
初心原不爲求官

堵牆落筆正紛紛頃刻吹噓上碧雲坐使元瑜書記老
五年顛顛獨憐君

攜手河梁望去人綠陰枝上總非春好花已被風吹落
飛入宮牆亦汙塵

佳日亭邊事事幽客非嵇阮即羊求酒闌月照桐花落
不見君歸始欲愁

解嘲索日容和

兩生獻賦域金鋪淪落吳山命也夫共慶聖朝無棄
物誰憐滄海有遺珠公心不掩千秋筆傲骨難柔七尺
軀願得始終蛩駉好雲龍變化亦何殊

涉澗次日容韻

淫雨無乾土橫流斷石梁畏塗爭舉足捷徑好褰裳混
混何時息滔滔孰與傷塵襟聊一洗高枕入羲皇

六境圖詠

洗墨池

西陂後雪堂韻事各馳騁何期同黃州政事爭蔚炳鼓
角最多情散作江聲永唯有洗墨池蕪没人迹屏坳泓
重剗磧枯萍變翠影好風乍披拂揆藍愛半頃懷賢步

芳規發軔自幽境風流傳卅年逸興寄溟滓未獲從公
游指點圖中景

忘歸巖

山鳥如相呼山花似相笑林風吹百籟雲氣生衆竅中
有幽人坐朝夕展清眺此名忘歸巖姚江發其妙當年
駐虔州旌旆晴陽照翛然愛此山緩帶時遞嘯落落宇
宙間今古得同調水連章貢臺日閣螺女廟到此輒憺
兮何嘗促去權

潞亭

通州車馬集紅塵彌天飛去京不百里一水涵清暉官
守苦煩劇好事從來稀觀察心迹清築亭臨曲碕笑指

此潞河飲之亦庶幾煙開白鳥散檣日光熹微翠荇躍
紫鱗碧浪浮紅衣居然塵漠漠化作煙霏霏謝公愛丘
壑豈必隱釣磯

鵲華秋色堂

高人畫名山神在縹緲間因真而想畫築堂以名顏松
雪天機精潑墨開煙鬟鵲華見雙朶翠奪青天慳齊東
得妙筆千古傳人寰豈如放衙坐吟罷秋雲還青山入
簷雷牆根響潺潺詩中有畫理高唱誰其攀

煙江疊嶂堂

濟南青未了吳鄉櫂初放一颿落西江山山水爭背向維
彼北蘭寺景與秋屏抗峯如插筍紫翠莫名狀日華

破中流江聲互跌宕作堂集賓客得句喜神王奇致朝
莫呈總收筆端上誰能爲此圖筆底埽清曠比之王晉
卿乃煙江疊嶂

滄浪亭

城南滄浪亭古木倚天插一泓噪鳴蛙細浪搖輕筆當
年移藩日倉卒意未洽重來償宿心不日集畚鍤春風
動漣漪水光淨如雪憑闌觀打魚泛艇逐射鴨平臺野
日落花影轉簾押故鄉移牡丹朶朶朝露浥公餘輒憩
止魚鳥亦相狎好事傳鴻臚寫圖封寶匣賦詩詫吳中
頓教元白壓

西陵先生曰格調超然韻致最勝而命
意擣辭更極匠心之妙唐人名什也

夏日孝廉船即事限江字

小檻層軒面面，總千章夏木擁旌幢。趁涼鋪几閑評畫，
引曉歌暗度腔。心定愛看屋下水，詩窮甘作嶺頭瀧。
清溪百折紅橋合，鳥浴晴沙似曲江。

六月望日攜酒慧慶禪寺聽竹垞先生說詩同
霜林翁匠門主人作二首

載酒西郊日上春，僧寮一笑盡吳儂。說詩入座逢匡鼎，
好古填街撫蔡邕。競向塵埃誇十丈，獨將硯礪敵千鍾。
風流軼事而今少，半壁東南老鐵龍。

赤日燒空禪戶扃，時聞鳥雀下閒庭。天留健筆分詩派，
地引名山屬酒星。菱角蕩絲紛食案，竹聲梧影逼風櫺。
他年辟暑傳佳話，添个先生野史亭。

附和詩

秀水朱彞尊竹垞

一人半爾習鑿齒，三樂具焉榮啓期。老矣關心無俗
事，相於把酒判深卮。風多盡卷桔槔水，旱甚將枯蔗
芋陂。已辦衝泥油竹織，當筵頻起祝雲師。

近聞天子幸捺鉢，闕下諸司務暫休。吾意亦憐
雙樹好，諸公合近五湖游。形模楊陸詩焉用，服習曾
王筆自適五相一。漁朝野別不知何者，果千秋。

七月朔日王少司農自會稽代祀還，讌集胥江
賦呈一律

清時人物數中州，蘭楮歸橈作勝遊。氣魄儘堪籠一世，
才情直欲邁千秋。風吹畫舫添杯浪，日閣飛橋發櫂謳。

只爲司農雅好士胥江煙水暫勾留

初四日草堂納涼觀劇醉中放歌

人生金門玉堂謁王侯不如花竹瀟灑卧一丘人生錦
衣玉食隨枚鄒不如淺斟低唱樂不休况復火雲赤日
罩檐瓦鵬鷹飛奔吁可怕豹脚如鵝背距長青蠅頭銳
喙骨骼彤庭赫宏鵠立窺章服裹身誰得卸汗沫沾膚
匪澣衣縱有駝峰食不下今我飄然會竹林芝蘭結契
憐同心白頭梨園呈妙伎湘簾浪靜天沈沈榴花著雨
紅裙濕荷葉韻助風中琴大瓢貯冰工琢鏤沈瓜浮李
涼森森吁嗟乎丈夫立志期千古紛紛遇合何足數蟲
魚箋注送生涯泉石膏肓中肺腑散仙不逐雞犬遊饒

伊上界足官府觚稜金爵任峒堯虎丘閭丘乃吾土科
頭箕踞倚庭柯涼風颭颭北牕多試看鮑郭郎當正蹋
歌今我不樂待如何

曹待詔渭符使閩宣詔回在顧草堂索詩賦此
贈之

幾年天祿惹爐香特奉恩綸出建章白水萬灘驚旅
枕青山一路贈行囊酒傾海味江瑤柱風送花聲紅佛
桑最是南游留恨事楓亭勝畫不曾嘗

勝畫荔子之最
佳者其熟最後

送借山上人入都次留別原韻

涼風催權急難住故山心明月天邊好白雲歸路深芒
屨隨去馬錫杖落棲禽寂莫相如病無情賦上林

本言車言集卷一
二十七
二十七日宋五嘉升載酒張三日容潮生閣招
同竹垞先生送魏二禹平之西江即席分賦各
體得五言小律二首

夜雨催君別紅橋繫小舟牆添一尺水山入半間樓無
事三杯盡憑闌便欲愁

不向水邨住詩翁天一涯秋風江上宅夜雨夢中家若
到滕王閣新詞賦落霞

哭霜林翁金亦陶

別來半月竟何之春草閒房總帳垂自是林逋不再娶
非同伯道歎無兒安貧差喜鈔書富遁世何妨賣畫宜
鎮日板橋人跡絕霜林西望淚如絲

閻丘詩集卷十九

出胥口泛太湖

半年卧閻丘眼界苦迫迮飄然乘風行愛此萬頃白回
觀伍相祠紅牆森古柏羣峰浪低昂上下影千百中流
將安歸愁聽水拍拍一葉入斜陽飛光如裂帛換柁對
莫釐歷歷辨阡陌山店亂炊煙好整登山屐

東山留宿席氏山房

曲戶閒房秋氣清居山忘却在山行門前碧浪圍天塹
屋後青岑作土城不寐暗聞飛雨疾欲明陡覺嫩寒生
檐牙隔箔晨光漏桐葉陰陰鬪鳥聲

翠峰寺

山寺鐘初動秋林日下春僧藏黃葉樹鳥沒翠微峰雨
色侵虛閣風聲集古松推牕對湖面一抹白雲封

雞距石

在龜山

日湧常疑唱濤翻力自支如昂復如竦韓孟對吟時

自鎮瀆橋入包山松徑

落帆淺港泊微日漏雲表緣溪歷溝塍山光上木杪螺
峰白石秀岳廟翠柏矯意適信足行不知路多少森森
飛松下

包山上松多非種植風吹松子
自成謂之飛松見范石湖集

急雨雜亂篠翠色欲上衣

小徑濕更好晚鐘出巖扉時聽雄雉鳴石橋正流泉對
此豁懷抱

雨中宿包山寺

襍被來投雙桂堂檐前懸溜正浪浪果供新粟經風脆
菜摘園葵著雨香巡柝一聲山轉寂鳴泉幾陳夢俱涼
明朝策杖凌峰頂手撥癡雲望八荒

毛公壇

劉根煉火此升天白鹿羅浮道里千無主野花開藥臼
空壇不見綠毛仙

登縹緲峰

天光低著人剛風吹不已此身非馮虛絕境那得此三
州浮濃黛徑寸連波起北指陽羨溪西窮卞山址苔雲
帶其南長洲近錯綺吳越入襟帶江湖納牕几目眩雜
花亂軟脚類敗蟻入廟埽破壁姓字援筆紀何須泰華

遊妙景眼前是願署太湖公林屋于焉止扶筇下上方
歸鳥落如矢最愛消夏灣綠波晚山紫

酌鹿飲泉

片石浸坳泓涓涓沁香髓敲火一酌之其味甘且美反
照射峭壁暮靄亂青紫客散四山空飢鷹浴寒水

泉上

近山多鷹時浴

入林屋洞

林屋有三門同會暘谷穴金庭玉柱名洞天第九列靈
威首開闢石函禹書揭瑯琊巴陵道縮地隔門闌或誇
現龍盆或侈餐玉屑苟非足親歷疑信終未決我來訪
左神賈勇得兩姪短衣束雙髻芒屨手自結瀕洞凌陰

森偶僂觸岬嶮低頭若俯拾落脚疑陷缺滑達蠖屈遲
宛委蛇行拙島門垂地肺凝聚太古雪紅燭照玉肪晶
熒添皎潔控控試一鳴石燕舞中節半空驚濤翻靈根
迸欲裂其旁多隙竅十步九磬折石門題隔凡欲進氣
已竭喘息倚石牀中止歎疲茶皮陸有高唱武功亦人
傑今來追芳躅齊楚附滕薛回身涉泥淖欲前如被掣
洞迴納蔚藍人天此焉別解衣浴清池見者笑癡絕

大小龍渚

祖龍從何來紺碧儵變相森然芒角垂巨口吞滉漾至
今遺兒孫羅列屹相望或如怒鼉蹲或如奔馬向或敞
若夏屋或邃若古壙嵌竇浪出入風雨助跌宕杖策沿

溪行縱目喜無量赤足蹋澗石澆潏鼓氣王盈盈一水
間萬峰與千嶂蒼翠雜紫赤光怪莫名狀看山在此山
得半猶未暢會當作水嬉小舟吾已放

自消夏灣放舟經明月灣至石公山

雲淡綠波淨人家水半環四時豈不宜獨名消夏灣田
家業種樹晝靜門常關兒童汲井花畏客覺厚顏悠然
太古意雞犬桃源間撐篙入湖心遠岫晚景間楓林懸
落日參差搖紅殷堤影抱明月天水碧一彎娟娟沿崖
轉龍從多編爛風緊浪打頭船尾鳴潺潺舟人指石公
名勝宜躋攀襍被投禪榻推牕見三山隔溪亂漁燈夜
唱吳歌還

石公山雜詠十首

石公菴

兩水兼天碧三山入戶低推牕喚漁叟聲被白雲迷

歸雲洞

風緊訝披緜雨來驚潑墨陰晴既無心如何解出入

石梁

靈根仙斧削灣灣便落脚不須假黿鼉何用酬烏鵲

蟠龍洞

腥風生一竅怪氣聚百族好去探領珠癡龍睡方熟

夕光洞

橫開三萬六倒浸七十二只此徑寸光收拾小天地

雲梯

雲梯五千仞天然見階級何日隨猿猴高呼水皆立

聯雲幃

宋朱勔致花石岡取此石上舊勒帖文尚存

峻嶒倚蒼穹磔卓立積鐵摩挲舊帖文南渡增愁絕

風弄

一名劍樓俗呼一綫天

劍樓光一綫落葉此中鳴如何盛怒處常作管絃聲

石公石母

兩石如齊看浪激輒相語却笑石新婦隻影空自許

明月坡

一名千人磯又名石板

玲瓏攢蜂窠犖确印虎迹吐納天水光并作一片白

夜飲王孝廉遵時明秀閣

仙居縹緲在丹梯把酒持螯客自迷峰影一堆青上下
湖光兩道白東西林沾山雨飄紅葉浪拍漁燈點碧溪
更喜主人敬愛客判教百罰醉如泥

題王山人小像

羨爾家鄰蓬島仙青山點點水濺濺畫師別有荆關筆
欲染丹青勝洞天

行暘塢口占三絕

楓葉搖山赤蘆花貼水黃塢深人不見二路枇杷香
小市門常閉青黃籬落間桑林聞笑語摘葉入前山
隔屋一聲雞人家只尺迷行來鴉舅樹一曲日平西
風阻石公山

木言車言集卷四
一夜驚濤喧樹間滿湖風雨石公山沈沈氣裏聯雲幃
淼淼波吞消夏灣萬竅雷攻聲跌宕孤根雪湧勢回環
老僧解我煙霞癖穩借蒲團三日閑

吳民爲湯中丞潛菴先生建坊胥門題曰民不能忘余作歌美其事簡吳邑王明府孝先

睢州中丞一代儒福星照耀來三吳謳歌如新二十載
功德勒石臨通衢念公挺生在德里中原文物稱名區
夏峰負笈得突奧淵源直欲追程朱玉堂篇翰乃餘事
乾清奏對相交孚 特命儒臣擁節鉞闔城內來分
符敦本務實正風俗諄諄訓誡皆良謨浮誇粉飾所不
尚游民姦暴爭逃逋水花無慘六月靜治平秋雨煙模

糊頓令繁華游俠窟熙熙皞皞歌唐虞又聞吳俗喜事
鬼五通作崇憑妖巫肉山酒海變勝地金錢費擲驚癡
愚公曰此事甚荒誕穢迹豈可留斯須木者付火土投
水妖氛一掃山形癯更憐蘇松財賦重敷陳入奏蠲浮
租 聖心如傷動惻怛青宮被命朝門趨攀轅頓足集
老幼號咷慟哭聲呱呱白公堤畔多祠宇雕楹畫棟胡
爲乎列諸學宮輝俎豆文學政事開生徒櫟題日久漸
漫漶恩澤猶自淪肌膚近逢賢宰此踵武門牆勵志思
規撫伐山採石樹坊表經營不日爭投輸清風粼粼動
碧浪胥江一剎天然圖我公精誠在天地感格初不遺
一夫我公功德被四海惠愛幸得專吾蘇我公文章傳

萬古同時亦許窮精粗凌轢坤乾擁山岳磨刮日月懸
衡壺小子生晚沐雅化敢以蠡見量江湖聊採公論詠
芳躅告萬萬古言非誣

補臂行

并序

順治壬寅冬山陰楊安城與同郡李兼汝祁奕喜
急朋友之難同流寧古塔將行徐象九寫出塞圖
以贈李居中楊在左祁在右瓊笠綴鶯領戎服鞞
袴趺坐莎草中指顧相笑而楊則以右臂鈎李肩
乙巳冬祁亡歸爲吳門靈巖寺僧己酉春李亦亡
尋死杭州祁亦死常州馬鞍山而出塞圖獨存楊
所思各歸其後人屬妻范翦而分之則楊臂隨李

肩而去自是楊右臂作痛治之罔效范知其故翦
紙作臂續之痛立已令子可師與余友善嘗道其
事且屬余賦詩噫今世交道凌替流離患難多不
可問而三君圖像之間猶志氣相感則其平日之
交情爲金石爲膠漆殆不足喻也因作補臂行題
其像後庶聞其風者知少媿云

楊子示我出塞圖生氣躍躍光耀隅先生戎服草間坐
并刀翦出新肌膚此畫傳來四十年君家尊在蓬萊區
同閑訂交祁與李宵盤晝憩同娛娛語言文字伏禍胎
狂飈煽燄連妻孥黃塵一點起絕漠孤鴈叫月天疑無
三人被譴向寧古患難翻喜良朋俱當時徐生真好手

經營慘憺筆意殊楊左祁右李居中拍肩挹袖仍扶持
指圖相笑互相慰秋霜滿鏡爭招呼無何祁李共亡命
收拾魂魄還吳都先生揮淚念故友曰以遺像投諸孤
山骨竄萃碎寒玉胚胎乍破翻洪鑪三分形影南北去
那知一臂聯吾軀從此終年苦屈申陰寒夜雨時攣拘
藥石鍼砭竟罔效賴有阿母知其夫聊施女媧補天手
湊理完好骨骼蘇乃知古人重結交金石膠漆言非誣
屋梁落月尚相照始終蛩駘無嫌愚張陳蕭朱中路棄
此道如土堪長吁况今遊戲在尺幅光怪早已驚荒陬
爲語楊子寶此畫永爲交道垂良模

題徐進士學人同年雲溪草堂圖次竹垞先生

韻四首

每想君家醉幾場閑愁一抹白雲鄉新來染就王維畫
攜得清光到草堂

舉網鷗飛露釣磯鷺兒浴水浪花希荷池初綠田田葉
只待秋深便翦衣

京洛曾同出岫雲縱橫聯句到宵分分明河畔毵毵柳
滿眼秋山又對君

八尺生綃勝景偏畫圖重見米家船小園能縮壺中地
午盃春槽傷玉川

題曹孝廉希文同年偶客圖二首

此身何地是吾家拄杖彭觥箸笠斜但使朝朝開口笑

青銅一百是生涯
紅塵幾番鑷鬢貌得閑身入五湖須信光陰皆是客
莫將廉讓認歸途

題北渚圖二首

秋山瘦削不須多鶴愛秋風舞綠莎怪底詩人吟詠處
西陂也作洞庭波

蘇氏一門俱擅美杜家三世總工詞緯蕭已得縣津派
餘韻應傳北渚詩

題介于畫墨牡丹

絕豔亭亭占一時誰憐春盡獨開遲天香不與凡花比
淡墨蕭疎出半枝

十月八日盱眙李蒼存攜尊大小雅堂雅集賦
得妙嚴臺

我家妙嚴臺向屬禪興寺蕭梁有貴主香骨埋此地緬
維孫刺史甲第擁珠翠瑤筵對景開珍羞自天賜鳳去
玉樓空桂熏從風墜史家竟失載野乘疑真偽石馬眠
荒濱蘇碑倒壞厠惟餘隔林鍾清響苔幽悶回思卅年
前總角來嬉戲癸丑歲余自史家恭移居乘鯉坊時方九齡結髮知讀書爇簾奏昆

季甲子歲始與迂客家兄學詩斲雲開龍從採月動洵淩名流盡東南車

馬不遐棄是時桐城錢飲光黃岡杜于皇廣陵吳園次寧都曾青藜同郡韓君望揚明遠諸耆宿每過從依園作詩酒之會紅豆夜

徵伶綠陰晝揚解詩成呼濁醪日日澆土醉十年歷幽
燕形容頓顛顛心事數篇詩小園伴幽致款門到李君

才情最橫恣阮生真酒徒米老同好事開尊集良朋不
惜萬錢費更酌共登臺懷古空徒倚老樹嵌犖确危根
牽薜荔目送塚中人口出天外思楓林憶舞裙草根想
墮珥應有月下魂環珮夜深至

賦得楓葉二絕

分明隔水見殘霞烏舅叢深落亂雅昨夜西風霜滿樹
枝枝紅葉是紅花

鷺峰漫說千章紫吾谷休誇萬木殷一葉小舟湖面看
最難忘是石公山

題蒼存寒江釣雪圖

飛絮成團落亂雅尖風凍入骨查牙不思遠去投芳餌

寂莫江天伴雪花

題石谷子畫狄庶常立人歸舟載花圖四首

名花才子品相當不數朱櫻與綠楊滿載占將春色去
分明少伯五湖航

別有昌州香國天

昌州海棠獨香

平生四恨亦徒然齊奴若肯輸

金屋好竊熏爐到紫緜

石季倫見海棠歎曰汝若能香當以金屋貯汝

故園百卉定含愁俗李粗桃各自羞莫更順風江北去

讓他芍藥在揚州

放翁詩若使海棠根可移揚州芍藥應羞死

雨中月下見猶憐貼梗垂絲著意妍蝴蝶不知花睡去
雙雙引夢畫圖邊

和狄庶常五舫詩

小舫新裝了歸來足扣舷娟娟黃柳外嫋嫋白蘋邊薄

酒延朝爽清歌送莫天吳儂渾不辨混作野人船風月家鄉

海棠新貌出佳麗一船兼惜影頻燒燭無香漫卷簾玉

蔥調茗盃紅袖檢詩籤睡足和花笑宵來有夢添海棠船

喚起半湖浪揚帆渾水窮鷗邊白森森草岸碧叢叢亦

可秋風裏何妨細雨中前邨低略約小住看飛鴻春帆

炎天更好事隨處便維舟初日銜花上輕雲入樹流碧

筒清露吸玉笛晚風愁釣得鱸魚美歸來與婦謀泛爽

向夜復何之小舟惟月宜規模因舊式風景寵新詩亂

水花飛急深山鳥下遲月隨名字好直欲傲天隨小月隨

為人題小照

石上秋光最可人花團白露未全勻看山不了還看鞠
忙斂陶公漉酒巾

題擁姬圖二首

名花黃紫鬪看青絕似張家簾內聽爭唱牡丹詞未畢
招呼更上駕霄亭宋張鎡家有駕霄亭

蘸墨題詩對可人掀髯一笑座皆春絳紗帳裏鋪茵褥

厠上終輸石季倫

題葉藩久小照

菱葉蘆花照水白浪沒鳧翁潮拍拍獨坐寒磯風雨來
好個人間釣鰲客

題宋經一授研圖二首

何用傳經萬卷開一方手澤絕塵埃牙籤插架書連屋
紫石潭中漁得來

西陂好語借餘波出水穿雲不是過絕似蘇家龍尾樣
故應付與小東坡

題朱漢槎雙柑斗酒聽鶯小照

綠陰斷處黛千鬟鳥語關關在樹間此地朝昏來醉倒
便應喚作戴公山

題鄒廣文遂安保城圖二首

一片孤忠勢若焚誓師叱咤動成雲遂安萬口如絲命
不仗元戎仗廣文

六星亭下月娟娟曾照當年戰血鮮若使平吳功例定

黃金須鑄一青氈

題柴陞升擁書萬卷圖二首

縹緗連屋日親開含笑雙娥階下催最是一生難得事
好書未盡美人來

萬軸牙籤滿架風琅琅清響徹晴空手中豈是高唐賦
神女都教下楚宮

學人三十生日兼有謁選之信賦詩寄之

閒居奉母羨潘安三十名成屬目看何必期頤方酌酒
只須章服便彈冠歌拈紅豆翻新調酒試烏程集舊歡
顧我蹉跎逢歲暮霜花壓戶隔江灘

題吳省吾小像二首

娟娟翠篠亂蒼苔三尺芭蕉葉半開草木蕭疎風日美
秋光迸入畫中來
數載涪湛首藉盤榘枰方罨石牀寒何須當局誇強弱
袖手傍觀著著難

○陳貞女詩

蘆區有貞女天性實孤獨蔡家初喪偶有子賴鞠育聞
女性幽閑繼室鸞膠續二十未結褵良人嗟不祿含悽
向空房有淚不敢哭矢志無二天死央偏獨宿父母頗
愛憐強之始噉粥謂言汝未嫁猶是閨中淑夫面未曾
親恩愛何由篤少年盛羽儀富家積金玉良姻訂三生
惟女意所屬大禮本無虧令名亦不辱女聞頭搶地至

死不可復吞金刀剜腸斷指血裹肉鄰里驚相勸父母
涕漉漉送之往蔡家縞素謝膏沐晨昏具甘旨奉姑問
所欲撫孤如親生擘鱸供夜讀兒身日已長女髮日已
禿冰操古所難可惜在鄉曲氏未登褒章事未采史局
徒令桑濮傳聞之盡頸縮吾文不足傳女節實可錄聊
成五字嗟持以勵末俗

冬日過膠城行見人家破屋下有妻子柔書秀
野園三大字匾額筆力遒勁喜其與余草堂名
相符也購之以歸用顏小圃漫成二律索同人
和之

到處常於秀野宜練川三字見風姿地留名筆添佳話

天為閒人助好詩，倔強全行挾石勢。淨圓想見劃沙時，呼童拂拭攜將去。好向閭丘費酒卮。

當時鄭籟隸兼科

余居秀野草堂四
字為鄭谷口所書

試比婁堅定若何花竹

媿難齊獨樂，白蘇喜得共東坡。買書何怪黃金散，對客徒憐白髮多。一十七年詩酒債，好傳軼事倩搜羅。

題侯大年鳳阿山房詩四絕

白稻花香木放棉，黃蘆葉颭水黏天。為探百里幽人宅，一櫂秋風泊練川。

劫盜圖灰舊畫樓，一方紅月挂新愁。鳳阿早築閒田地，

靜夜還教寶氣收

練川向傳紅月樓
內藏道子劫盜圖

斜紋布暝蟲催織，碧玉梢黃燕語林。只此先生供喫著，

練音纔罷又吳音

吾黨詩翁侯叔迨，四先生後更誰誇。莫學檀園空作序，茶山風雨負梅花。

戲題大年六一圖

五物又添花劍，不是醉翁六一更著此。老何鄉只合溫柔送日。

十二月十四日，商丘公招同朱竹垞、蔡息、關邵、子湘、張超、然馮、文子、張日、容、吳、荆、山、胡、元、方、徐、學人、汪、西、亭、陞、交、徐、七、來、令、嗣、穉、佳、蘭、揮、令、孫、經、一、西、班、集、小、滄、浪、觀、桃、花、扇、傳、奇、謹、次、原、韻、六、截、句。

木言軒詩集卷四
桃花佳話訂三生，雪苑侯生趁美名。跌宕新聲傳樂府，緣知才子最多情。

詞翻燕子鬪歡場，老阮餘威態更猖。剩水殘山留一角，又將歌舞上披香。

畫閣笙簫調玉茗，旗亭談笑說齊諧。一時復社皆名士，著个閑人亦復佳。

眼識陳吳品格孤，送君桃葉暗嗟吁。李姬還有琵琶調，試問侯生記也無。

四鎮驕奢費斡旋，寧南髀肉老刀邊。西風獵獵滄浪碧，劫火銷沈六十年。

絳紗銀蠟迷深院，白髮青衫滿後堂。不是中丞新顧曲，

人間何日見霓裳。

題張庶常弘蘧雪霽南轅圖奉送之官興國四首

十六年來侍玉堂，無端却置石山傍。人間此日看天象，列宿光中不辨張。

莫歎身如魚上竿，宦塗逆處轉心安。牛蹠滑達冰三尺，好借征人入画看。

天向詩人迹欲奇，磨瀧擁雪總相宜。潮州儋耳無緣到，那得韓蘇警絕詩。

章貢文風專待開，碧溪青嶂趁多才。郵筒輒問詩多少，要見詞官本色來。

贈張敏求四首

生面初開變一時瘦肥圓勁總相宜于今聲價都無兩
爭說新鈔御製詩

慧慶寺邊聽粥鼓小滄浪畔看荷風往來海內文章伯
醜舫西陂只兩翁

注解蟲魚補鄭箋亭名野史錄殘編青燈一點書千弓
伴我問丘二十年

宋板休誇八法妍臨模小楷六書全筍輿篋舫來吳下
盡識張生住白蓮

閻丘詩集卷十九

閻丘詩集卷二十

甲申上元點燈會客紀事四首

山梅破萼雪融塵好趁今年樂事新玉管夜催深院月
紅燈高照小園春四時佳節先元夕百歲歡場屬散人
眼底風光吾事足未妨吟嘯五湖濱

分明異彩落深青百戲陳時影滿汀埕現火雲撐杳靄
龍噴雪浪劈滄溟芙蓉芍藥迷朱檻鳳尾鰕鬚拂畫屏
最愛一株臨水挂葡萄千个亂春星

梨園父老白盈顙舞態歌聲繞畫臺聽去只宜天上有
看時定是月中來妖嬈勸酒皆許董傀儻當場盡賀雷
轉怪酒闌惆悵入一生難得兩三迴

宛轉平橋攜手偕東鄰西舍盛吳娃草根響墮金絲髻
牆角泥融紅繡鞵蠟炬千枝同白晝春風一角想秦淮
新聞明日傳京洛健羨吳儂興致佳

二十八日雪中同日容洪九入山探梅舟過橫
塘口占一絕

天水遠空蒙凍雲閣前渡推篷問橫山失却青半朶

次日同錢唐馮文子汪無已武陵胡元方寶應
喬無功山陽丘邇求江都郭于宮同里張日容
宋嘉升孫洪九夜飲西崦山莊各賦五言近體
即以其字為韻

畫舫尋梅急遊人似亂雲雪中過兩日枝上去三分細

雨思前歲微風和此君眼邊愁易別莫惜酒杯醺

晦日雨中乘輿至吾家山過菖蒲潭上石樓登
萬峰臺憩六浮閣小飲得絕句七首

樹樹驚風花滿階籃輿催客辦青鞵興來莫問花多少
細雨山行亦自佳

雪海漫漫萬頃光半邨微白半邨黃不窮千里登高目

那識空山別有香

時文子無已至吾家山半而止故云

菖蒲潭水浸如杯繞屋花鬚噤不開數畝只堪鉏月色
遊人却為老僧來

丘遲郭璞句縱橫

謂彌求于宮

萬壑松濤筆下生誦到髯君五

字句愛他春雨滴無聲

時諫公題絕山小照無功詩云春雨無聲落春山引杖來門前萬梅樹僧更瘦于梅一時歎絕

潭東一帶白皚皚籬落湖灘處處栽今日新詩來點染
萬峰臺是萬花臺

六浮閣上倒芳尊凍蝶翻翻楚客魂一曲清歌花亂落
梅邊招得李檀園

雪墮長松春欲融半晴半雨任天公高低掩映千梢白
襯得春衫分外紅

題赧山上人觀瀾圖

百籟羣鳴山欲聳道人倚杖正凌空長松萬樹濤千斛
此際平分一半風

同日容洪九步遊五雲洞次日容韻

扶筇轉山塢再試五雲泉危石聲鏗爾閑雲意淡然花

光明薄暮鳥語樂新年準傍三間屋茶經補宿緣

喜晴再遊菖蒲潭

小屋攀梅入門前立老僧雪消枝半折日上氣如蒸只

少樓三面高看花萬層

赧山方謀築小閣

昨朝風雨過只算去年

曾

晚過石壁遇雨

梅香催步屨石壁勢千尋湖近雲長白松高日易陰隔
牆漁艇亂遙嶺晚鐘沈細雨前邨入花梢更不禁

雨宿石樓二首

最愛此中靜歡然如到家萬竿搖瑣碎雙幹舞槎枒衣
濕從分火神疲想喫茶小軒初結構夢裏是梅花

時綠夢軒初成

日日風兼雪傷春多怨思今來竹裏卧翻覺雨聲宜酒
醒木魚熟天明林鳥知晴光何日好櫻筍定來期

贈無功二首

行樂新年續上元過江艇子到柴門雨中燈火人千里
雪後園林酒一尊上下崦邊花作障東西潭口樹為邨
頷珠獨被劉郎得屋挂寒香記瘦痕

箋擘新題續續加梅花芳信到梨花已輸著作誇三絕
敢效方城號八叉吳地山深肥筍蕨淮鄉水暝滿魚鰕
合并但得常酬唱江北江南總是家

題無功蒹葭書屋圖二首

年年搖落怨秋風甕社湖光指點中白露滿園花似雪

主人長在水晶宮

連天碧水澹如無獨立沙邊數浴鳧不是鴻臚誰貌得
白蘆花映黑髭鬚

花朝松陵諸子攜樽秀野園雅集即事得八絕

啁雀爭枝凍乍開草牙欲動暖風回呼童早起鈕三徑
好待連翩上客來

鴻筆才名震一時

乙亥秋余與山論武曹諸君有鴻筆之會八郡集草堂者一百八十餘人

升沈生死十

年期月泉吟社成佳話和徧田園雜興詩

慎交標榜有同聲比應嚴幾敢曰能

明末有應社嚴社幾社國朝有同聲社慎交社

復

社姓名留蠹簡至今牛耳說松陵

吳江吳扶九先生倡復社其姓名冊子存後人所余猶及見之

紅舷烏榜憶秦淮豔曲名姬處處佳那得揮金孫孟樸

孤身結客蹋天涯

孟樸嘗捐家貲五百金裹糧
徧歷四方會口口于秦淮

傳奇兩地鬪清新將曉寒風拂座勻試問花梢開也未

尊前正唱上林春

是夜演上
林春傳奇

大字婁堅露細筋草堂只合喚詩邨敞廬寂寞無多地
敢倩新題賦小園

韓俞

君犀月

宿草幾經霜剩有文

與金陶

病與亡一十七

年親故盡座中誰是魯靈光

繡虎雕龍總地靈森森霜鏑發于劍他年酬唱追陳迹
圖畫應添佳日亭

答臨川傅生用元韻八首

大雅日陵夷腥腐積腸胃唧且與鴟鴞何由識正味苟
欲窮淵源要須辨涇渭念子涉江來矻矻豈無謂

臨川鍾秀靈此邦盛文彥湛深尚經術穎脫見生面寢
食恒于斯堅金在錘鍊前賢樹芳規可象不可見
平生與匠門蛩駟何足云諸公騰踏去落落我與君潮
生清溪水花飛妙巖墳客至便觴咏世事寂不聞
我愛慧慶寺載酒日問字玉蘭連天花風日更清美東
南海爲宗吐納百川水子合從之游一權吾往矣
亡友俞旅農強記廣見聞迂齋金老子談笑吐清芬梅
灣深宿草霜林閣孤雲耆舊已零落請君誦遺文
涉世尚多智著書甘守愚縹緲旣克棟流派人人殊規
撫取神似勿但求皮膚少壯務努力莫歎歲月徂

光怪極韓蘇冲澹獨韋柳求之格律間變化無不有各
以所得入研窮出窠臼敢笑同學翁千金享敝帚
詩家多風調緣情而綺靡僞體須別裁勿失風雅旨俗
學江河流滔滔何所止慎勿悞岐途願言共終始

登吳山尋紫陽菴二絕

絕愛吳山半點青昔年于此誦黃庭飛來不是遼東鶴
何故仙人亦姓丁

隨風落脚紫陽洞瑪瑙夫容列小牕莫怪照磨題句好

石上鐫薩天錫詩獨存

半杯湖水一灣江

月夜飲冷泉亭

最難逢月色兼得看山人三月今宵好百年此會新泉

光浮白練樹影散青蘋應勝京華客殘春醉軟塵

題白描仕女扇

舞衫空疊鏡臺寒手弄連環懷古歡傾國莫教脂粉汗
好將真色與人看

題雙美人扇二絕

梧桐月照班姬扇未利風繡玉女書桃葉桃根花竝蒂
愛他豔豔暮春初

一分增減便難全如笑如嗔兩鬪妍金屋雙飛還一處
縱然妒斂也相憐

十四日汪無已招飲齋中同吳寶厓邵克大家
搢玉即席用白香山履道春居韻

梅邊別我去月夜向君尋芳草熏遊屐春風蕩客心
筍添牙頰美燭引酒杯深嗟罷聆餘韻如彈綠綺琴

夜泛西湖

水邊宜晚看趁雨入湖心煙塢時明滅雲峰乍淺深
船移堤火亂歌濕洞簫沈寂莫孤山路何人解冷吟

雨中遊雲棲

初識雲棲勝蓮池舊道場幽篁聽澗入古屋借山藏樹
濕禽聲滑泥深虎迹長廿年常結想此日禮空王

經孤山口占

輝煌金碧動沙虛猿鳥驚迴失故廬一世梅花甘冷淡

當年悔不別移居

和靖詩山水未深猿鳥少此生猶擬別移居

再過無已齋中即席索題讀書秋樹根圖

宗月田画

獨坐閑庭如水桐陰竹影分明開卷忽然有得嗟成一
片秋聲

題坐看雲起圖次王舍人赤杼韻

白雲何處生相對豈云偶一綫入喬松重重羃溪口瀾
漫失青山渾不辨澤藪下方乍明滅隱隱聽雞狗只此
獨往意萬象付烏有我亦無心人看圖空袖手

題雨後鳴泉圖

天為山人特餉晴琮瑋水樂正和鳴百重澗積千絲雨
迸落寒砵半日聲

題寶厓小照二首

對映寒枝瘦影橫細腰一束兩眉青殷勤翠羽忙啁哂
恐到羅浮喚不醒

玉筍纖纖豔墨光口脂初潤鼠鬚香梅花瓣瓣催詩思
好試平生鐵石腸

吳赤鳧招飲青蘿書屋同張超然洪昉思王赤
抒吳寶厓項霜田汪無已家摺玉諸君即席分
韻得十二文

天開卯色變晴雲穀雨花香別院聞小閣青枝留宿潤
疎簾芳草映斜曛品評古畫橫鋪几點檢殘書亂落芸
春色一分容易過好憑尊酒伴殷勤

題周層巖消夏圖二首

琉璃扇子兒央研金翠重行照水汀顧後瞻前俱似玉
此中正是費調停
池影紅酣日欲沈晚妝初罷伴微吟倚闌爭比荷花色
水面相看若箇深

贈地理何蕃之

傑士從來隱市廛祕書讀遍得真傳通神有道多奇術
郭璞前知是地仙寶氣千年驚虎踞佳城一角卜牛眠
憑君看盡山川美獨占蘇杭兩洞天

雨牕即事恭呈徐州座主次元韻三首

才敵騎鯨舉世驚清時人物在彭城輪囷氣自愁邊壯
峭拔詩從塞外成東觀即看宣侍直黃樓豈許老歸耕

舉觴莫問更長短檐雨浪浪戰酒兵
鴨頭水漲馬蹄泔池上風光好一尋魚躍浪花衝碧葉
鵲乾霽色帶濃陰每驚朝政新聞換常憫農家淫雨侵
差喜晝長無个事圍碁纔罷便聯吟
自笑榴花開後時三間老屋足栖遲相將內苑迷三島
獨侍師門灌百卮簾筍呼僧足妙語梧桐引鳳奏清詩
繽紛才思雲煙落半爲牢騷半別離

草堂觀劇次李蘭岑韻

樹近闌干影欲移當筵調笑事多奇三杯暫得消腸結
一曲還愁老鬢絲竹葉綠侵今夕酒榴花紅落最高枝
濕雲不放清音散豔豔銀燈舞袖垂

贈沈明遠同年

蛤吹池塘訝鼓催林煙冪冪濕亭臺閑心偏爲圍碁鬧
健骨何妨小病來牀近綠蕉添夜雨簾垂紅蠟倒春醅
沈郎莫遣腰圍減相見還須笑口開

題子先上人萬里尋兄詩二首

十年跌坐佛燈明枯草池塘夢不成敢惜出家兼出塞
每因思母倍思兄塵喧寒月迷鴻度夜靜悲笳和馬鳴
追訴慈幃忍死語數行清淚落無聲

聰琴殊蜜似君難至性終教骨肉完絕域城高天一笠
荒山人醉日三竿詩情宛轉題紈扇墨汁淋漓濺燭盤
差喜荆花重爛熳可憐萬里影形寒

日容孝廉攜尊草堂同徐州座主張編修書登
韓庶常祖昭張進士天農沈孝廉明遠李上舍
蘭岑上人子先分韻得魚字

壁上蝸牛水長魚騎衝泥濘到幽居江南可惜多風景
一片濃雲鎖敝廬

夜雨復同明遠天農子先即席限韻

綠陰經雨潤隔屋轉倉庚不辨園林色惟聞檐溜聲酒
逢強伴怯話對野僧清只怕晨光透紅橋與水平

潘編修雲岫先生命題小照仿東坡懿蹟圖第

一幅二首

一官嶺外路間關掌上明珠欲舍難最是杜陵憐驥子

何年始解憶長安

秀質岐嶷便不同笑揮如意別息息他時遙想呱呱泣
多在蠻雲蚤雨中

哭南雲先生文與也

茫茫泉路信難通軼事遺聞委腹中老去詩篇無俗韻
閒來書畫得家風幾多百歲親知少纔到中年耆舊空
竺塢山深人不見相依地下是迂翁

謂亦陶

四十生日自述三首

性癖平生最好奇風塵閱盡幾千支弱齡陳豆嗟無父
中歲傳經幸有兒愛客常儲千日酒讀書曾破萬金貲
紛紛四十今年過自撫頭顱歎若斯

弱冠吟哦遂壯遊黃河開口泰山頭傷心漢將尋淮市
縱目秦碑上兗州每藉樽罍傳韻事時調絲竹集名流
一弓秀野喧南北號我書淫贈醉侯
三徧長安犯曉星閉門只合卧風櫺園開凍水尊賢里
書積遺山野史亭荷葉千珠綠檻綠竹梢一堦隔牆青
半生心事蹉跎慣付與沙頭雙玉餅

寓慧慶寺苦熱用梅宛陵韻

祁寒可以禦酷暑無能逃渾如坐深甑繞屋焚蘭膏憫
農禁屠沽好生及羽毛天乎竟不聞家家汗沾袍舉頭
見赤日雲峰隱秋毫惟聽桔槔響屋角呼其曹揮扇驅
豹脚廢書癢處搔中宵望天未安得秋風高

題湯閬裁自寫小照二首

漫道傳神阿堵中丹青塗抹便非工世人只解求形影
自有閒情若箇同

文與金亦陶也高士吐清詞流水高山繫我思妒煞松間時
抱膝長吟幾首故人詩

初冬陪陳江寧滄洲使君集日容橋下小軒同
汪陞交郭于宮汪迎年徐端揆家嗣宗以破甘
霜落爪嘗稻雪翻匙分韻得稻字

霜氣肅晴昊萬木顏色好黃葉飛過橋水平寒色早使
君冰壺清晤對豁懷抱矯矯青松姿歲寒共相保泥香
摘菜甲飯白炊新稻百卮安足辭頽然玉山倒隔寺鐘

一鳴半竿日杲杲

又賦得黃葉

鴨脚續翻亂酒卮西風吹入鴈行遲扁舟野水世南畫
山雨溪雲用晦詩一樹獨明斜照裏數聲相應晚鐘時
橋邊落葉紛紛積主客吟哦兩不知

題于宮雙邨載鶴圖二首

赤岸湖空一葉顏打頭風起雪翎開何年朱頂乘軒去
待我腰纏十萬來
牛鳴邨口好逍遙警露聲清酒易消不比支公與逋老
只看雨霽便冲霄

十一月十六夜同日容洪九泊舟斟酌橋下適

李明府曉岳同郭于宮葉子山至出酒饌狂飲
醉中乘月遊虎丘嘯咏而歸率成一律

鴨觜船開李郭迎一峰如畫倚寒晴壚邊對酒兼歌哭
月下懷人半死生壬申酒社始識曉岳距今十二年而宗伯公旅農南屏俱逝孝儀家兄迂客又遠在都下故云轟飲
方庭山鬼辟朗吟暗壁寺僧驚黃樓朱石風流後只有
今宵星斗明

和日容韻

平生氣槩挾秋霜醉墨淋漓定不妨未就詠懷五百字
尚須臨帖十三行非無絲竹徒增怨縱得歡娛亦自傷
賴有小橋山色好清光相照舊疎狂

和洪九韻

四十蹉跎不問天最難忘是綠樽邊達人玩世常占夢
壯士無聊始學仙中酒客眠吹短笛賣花聲起散寒煙
女墳湖水粼粼動打鼓誰家正發船

十七夜游惠山元方攜酒山莊踏月過秦園歸
宿舟中即事索日容洪九和之

長夜端宜秉燭吟名泉更倚好園林黃雞綠酒愁邊客
白水青山世外心滿地松杉人影亂漫天煙霧月華沉
枯腸還遇玉川子七椀清甘滌素襟

曉岳爲余
汲泉煮茗

次日容夜游惠山韻二首

山牕鳴風泉可愛此良夜月出人不知清光浸階下閉
門聲寂寥靜裏轉多惜公子無兼味濁酒牆頭借半酣

蹋葉行經過黃楊華青蘋雜流水迷離失真假皓魄正
當樓入手不滿把

好友既足歡名園猶可戀霜華散銀海野田集如霰躡
雲脚力輕照水目花眩輕甌嚼夜泉舌本須慢嚙未注
品茶經先讀盧仝傳歎崎慢亭峰何如此平行

期于宮同訪雲溪草堂用孟襄陽贈白雲先生
韻

迢迢荆溪水遠自大江出霜林何蕭條枯葦尚蒙密同
舟二三子放歌自超逸緬懷白雲溪會合定今日相思
苦道長執手語不一起招郭林宗前程勿相失

哭大宗伯韓慕廬先生十首

東南天柱折雲峰慘澹儒林失所宗
司馬盛名爭巷哭 曲江風度歎塵封
嘉謨紀載煩良史軼事流傳到野農
盡說韓門多弟子何人健筆敢橫縱

顛顛枯枝霜雪侵春風吹占百花林
姓名一日信知己 帖括中年遇賞音
誦讀兒童不去口 典刑蠻貊亦傾心
起衰本是君家事先後論功峙古今

倚傍全憑結 主知不教左右起猜疑
深衷有托常逃 酒多難能全不負師
無黨敢登元祐籍 思歸每賦去來詞
三升良醞羣相誚罕見先生獨醒時

寒碧齋 青草不刪酒人三兩日開顏
琴書樂志裴公墅 絲竹陶情謝傅山
爛醉置身榮辱外 高眠閱世是非間

生平莫恨休官晚先占林泉十載閒

倏忽丹書下九天秩宗超擢日三遷
秘書手詔顏師古 博物廷推張茂先
點竄典謨疇若字 推敲雅頌穆如篇
一時人物陶甄盡齒頰平分造化權

南內頻宣侍玉宸入班 天笑一為新響
催漏箭文如 瀉影動花甄筆有神
妙義傳觀留 御案新篇鈔寫付
詞臣只今遺橐凌雲氣冷落書籤滿玉塵

自古君臣際會難玉山當日獨憑闌
官高那許抽身早 理遣誰能非意干
士論歸時偏得謫 主恩深處轉難
安天王明聖如魚水不敢招魂歌
畹蘭

垂問遺孤厚宥窳親繙遺草慘 天顏家聲過邁書能

讀文筆班揚手自刪

先生自定有懷堂集

鴻業特褒揮玉篆初心得

遂葬青山明良一德全終始更勝生前解組還

長安翦燭款留連話到升沈淚泫然倔强自持容籍湜

風流相對儼神仙潛鱗空負吹噓力散木翻因蠹腐全

最是客吟勞繫念妙嚴亭子孝廉船

去秋汪吉士武曹南歸先生贈行詩有妙嚴亭子孝廉船

之句

掩袂搖鈴繞旒呼不關蹤跡託葭葦風鳴婁水啼殘客

星散黃壚剩酒徒雲漢頓消中夜色鳳麟空想太平圖

山丘華屋傷心痛哭到西州淚已枯

寄懷新城先生二首時罷官歸濟南

秦嶽鍾靈應運興崑源瀟濯碧逾澄東家門第傳司寇

杜曲詩篇接少陵邈邈聊同隱霧豹營營一任遇秋蠅

夫子亭子臨蠶尾撰杖逍遙踏上層

江南江北水迢迢危棧重經遊興饒古驛新題留劔閣

平山殘夢落虹橋瓣香誰測鯨魚海騰馥徒窺翡翠苔

留得漁洋一點在臨風輒引碧雲遙

梧語軒詩集卷下

讀文筆班揚手自刪

先生自定有懷堂集

鴻業特褒揮玉篆初心得

遂葬青山明良一德全終始更勝生前解組還

長安翦燭款留連話到升沈淚泫然倔强自持容籍湜

風流相對儼神仙潛鱗空負吹噓力散木翻因蠹腐全

最是客吟勞繫念妙嚴亭子孝廉船

去秋汪吉士武曹南歸先生贈行詩有妙嚴亭子孝廉船

之句

掩袂搖鈴繞旒呼不關蹤跡託葭葦風鳴婁水啼殘客

星散黃墟剩酒徒雲漢頓消中夜色鳳麟空想太平圖

山丘華屋傷心痛哭到西州淚已枯

寄懷新城先生二首時罷官歸濟南

泰嶽鍾靈應運興崑源滄濯碧逾澄東家門第傳司寇

杜曲詩篇接少陵邈邈聊同隱霧豹營營一任遇秋蠅

夫子亭子臨蠶尾撰杖逍遙踏上層

江南江北水迢迢危棧重經遊興饒古驛新題留劔閣

平山殘夢落虹橋瓣香誰測鯨魚海騰馥徒窺翡翠苔

留得漁洋一點在臨風輒引碧雲遙

梧語軒詩集卷下

閻丘詩集目錄

卷第一 秀野草堂集九十二首	卷第二 秀野草堂集七十五首	卷第三 秀野草堂集七十一首	卷第四 秀野草堂集六十首	卷第五 秀野草堂集八十五首	卷第六 秀野草堂集六十五首	卷第七 秀野草堂集六十首	卷第八 秀野草堂集六十首	卷第九 秀野草堂集六十首	卷第十 秀野草堂集六十首	卷第十一 秀野草堂集六十首	卷第十二 秀野草堂集六十首	卷第十三 秀野草堂集六十首	卷第十四 秀野草堂集六十首	卷第十五 秀野草堂集六十首	卷第十六 秀野草堂集六十首	卷第十七 秀野草堂集六十首	卷第十八 秀野草堂集六十首	卷第十九 秀野草堂集六十首	卷第二十 秀野草堂集六十首	卷第二十一 秀野草堂集六十首	卷第二十二 秀野草堂集六十首	卷第二十三 秀野草堂集六十首	卷第二十四 秀野草堂集六十首	卷第二十五 秀野草堂集六十首	卷第二十六 秀野草堂集六十首	卷第二十七 秀野草堂集六十首	卷第二十八 秀野草堂集六十首	卷第二十九 秀野草堂集六十首	卷第三十 秀野草堂集六十首
------------------	------------------	------------------	-----------------	------------------	------------------	-----------------	-----------------	-----------------	-----------------	------------------	------------------	------------------	------------------	------------------	------------------	------------------	------------------	------------------	------------------	-------------------	-------------------	-------------------	-------------------	-------------------	-------------------	-------------------	-------------------	-------------------	------------------



卷三十一
羅浮集八十一首

卷三十二
羅浮集六十四首

卷三十三
羅浮集四十二首

卷三十四
羅浮集六十四首

卷三十五
羅浮集五十五首

卷三十六
羅浮集五十七首

卷三十七
羅浮集七十六首

卷三十八
書館續吟

卷三十九
河西集

卷四十
河西集

卷四十一
河西集

卷四十二
河西集

卷四十三
殿西集

卷四十四
殿西集

卷四十五
秋風權歌

卷四十六
寒廳集

卷四十七
長干集

卷四十八
暢軒集

卷四十九
桂林集六十二首

卷五十
桂林集四十九首

卷五十一
桂林集三十五首

卷五十二
桂林集三十六首

卷五十三
桂林集九十五首

卷五十四
桂林集五十五首

卷五十五
桂林集四十三首

卷五十六
桂林集五十八首

卷五十七
話雨軒集

卷五十八
蕪城集

卷五十九
學詩樓集

卷六十
學詩樓集

右為康熙刊本目其不著若干首者殆未刊也余見一本多春樹草堂四卷秋盞集二卷雙井書
屋集三卷素下小集一卷歌燕詩集三卷上中下為目所未有而無書館閑吟十卷姑識于此

卷之四